

春
秋
直
解

春秋直解卷之四

余熒

門人程崋校讐

桐城方苞著

劉敦

次男道興編錄

閔公

元年春王正月

穀梁傳繼弑君不言卽位正也親之非父也尊

春秋左傳卷之四
之非君也。繼之如君父也者，受國焉爾。閔公立於慶父而能不行卽位之禮，何也？慶父實欲自取，故視嗣君卽位之禮無關輕重，又以傳考之。旣歸獄於鄧扈樂，則不得不爲之變矣。

齊人救邢

胡傳謂凡書救以善救者，而罪伐者與不救者非也。其實救也，則合救無以爲辭。若伐者與不救者之罪，則存乎其事矣。

夏六月辛酉葬我君莊公

左傳亂是以緩魯君之葬皆不過五月惟桓公見戕於齊九月而後葬昭公客死於外八月而後葬皆俟喪之歸兼國亂也莊公在國十有二月而後葬則子般之見賊微傳而迹固可推矣秋八月公及齊侯盟于落姑

左傳請復季友也齊侯許之使召諸陳公次於郎以待之。吳氏澂曰此時慶父哀姜惟恐季友之歸閔公方九齡孰能奉之出會霸主必魯之世固有如衛石碯者深謀秘計請復季友俾

桓公以霸令召閔公至齊地而與之盟使召友
於陳而公待以俱入則慶父不敢違卓氏爾康
曰時魯事與衛州吁時異季友旣出慶父專國
豈復有如石碯者能自安於內而請於齊以經
傳推之陳方爲齊所厚而魯交亦親友與陳故
故託跡焉落姑之盟亦友介陳以請於齊而得
之耳。

季子來歸

曰季子舊史之文也與齊高子仲孫同皆魯人

喜其事重其人而不名先儒謂孔子賢之非也
季友之名非若高子仲孫之無考也而孔子不
正何也春秋於爵次名氏一仍舊史義卽於是
乎存焉惟輦以一人而或稱公子或不稱公子
然後知內卿之或稱公子或不稱公子皆舊史
之文而非有典法也惟晉陽處父以一人而或
氏或不氏然後知外卿之或氏或不氏皆舊史
之文而非有典法也惟明知季子之名而不正
然後知當名而不名如齊高子仲孫宋華孫司

城司馬不當名而名如宰。咼宰糾皆舊史之文。而非有典法也。其曰來歸何也。非奉使而歸。不得書至自陳也。其出不書何也。據經所書似季友如陳葬原仲。至是始歸。但叔牙之討友時。秉政子般見弑。友再出奔。事變甚大。年代非遠。三傳畧同。未可以爲無據。豈書如陳則與慶父如齊同文。未知獄之所歸。書出奔陳則似歸獄於季子故削而不書。與彭生之卒同義與。

冬齊仲孫來

仲孫不名何也魯人重之故史不書名

與宋司馬華孫

同

至孔子修春秋則名無可徵而事不可削故

一仍其舊也胡氏以不書使爲譏齊桓非也非聘非盟而書齊侯使仲孫來非屬辭之體也

二年春王正月齊人遷陽

降鄆遷陽不絕其祀也豈懲於遂之殲乎抑霸業旣就而避其名之惡也

夏五月乙酉吉禘于莊公

言吉者未可以吉也于莊公者方祀于寢未可

稱宮廟也。直舉祭之名者，其失兼在祭也。禮不王不禘，且非羣廟所得行也。記稱莊公之喪，既葬而經不入庫門，大夫士既卒哭，麻不入春秋。書吉禘于莊公，蓋淫逆之人所忌者，羣臣百姓有先君之思，故早用吉以變人之耳目耳。趙氏匡曰：禘非時祭之名也。禮記諸篇皆漢儒約春秋爲之見。春秋有禘于莊公，遂以爲時祭。見春秋惟兩書禘，一春一夏，遂有春禘夏禘之說。又見春秋止有烝嘗禘三祭，遂爲諸侯缺一祭。

之說皆不可信。而鄭康成注祭統以爲夏殷禮誤矣。

秋八月辛丑公薨

薨而不地葬而不書故也

九月夫人姜氏孫于邾

哀姜棄位而姁與弑二君懼罪出奔一與文姜同而書姜氏則文姜之削姓氏乃所以發疑而著其鳥獸行之實義益顯矣。齊女也而孫于邾畏桓公之義也。季友歸而慶父不能難閔公弑。

而夫人慶父不能安實由桓公爲之大主孔子所稱一匡天下此其尤著者

公子慶父出奔莒

般之弑也書慶父如齊出入自由也此書奔惡盈罪著而不能安於魯也書奔而不書殺譏失賊也

冬齊高子來盟

其不言齊侯使高子何也高子非受命而來盟以義制事權在高子故變文以著其實也高國

齊世卿齊人尊之皆以子稱猶詩稱尹氏漢史稱大將軍而不名
魯人喜其來盟故卽以齊人尊之之稱載於册書

十有二月狄入衛

傳以爲滅而經書入何也侵畧而去未嘗據其土戴公旋立而廬於漕也

鄭棄其師

舊史以傳聞書也赴告不及但知其國有是事而已高克奔陳不書自僖二十八年以前外大

夫之奔皆不著於冊書也。

春秋言解卷之五

余 戾

桐城方 苞著

門人程 峯校讐

劉 敦

次男道興編錄

僖公

元年春王正月

公羊傳繼弑君不言卽位此非子也。臣子一例

也。何氏休曰：禮諸侯臣諸父昆弟，以臣繼君。猶以子繼父也。其服皆斬衰，故傳稱臣子一例。齊師宋師曹師次于聶北，救邢。

文宣以前外師無見大夫之名氏者，其稱人師少也。稱師用衆也。先儒謂書次譏救邢之不力，非也。邢衛接壤，狄以十二月入衛而救邢之師以正月至。是時狄尚在衛，故三師次于聶北，以爲聲援。狄不敢逼，而邢得自遷焉耳。知然者，以經未書邢之有狄師也。狄未至邢，曷爲救邢？狄

覬邢衛久矣。莊三十二年狄伐邢，以齊救。退今
旣入衛，勢必及邢。故預遏之。齊救邢而不救衛，
何也？衛以失衆，無與守戰。狄師一至而渙然離，
非齊所及料也。故懲衛事而於救邢汲汲焉。

夏六月，邢遷于夷儀。齊師、宋師、曹師城邢。

再舉三師，示役非更舉也。使書諸侯城邢，則似
救邢之師旣返而復興是役矣。邢旣遷，則夷儀
乃邢國都，故不曰城夷儀而曰城邢也。

秋七月戊辰，夫人姜氏薨于夷。齊人以歸。

穀梁傳夫人薨不地地故非也夫人在國必薨於內寢故不地設歸寧而道卒或卒於母家亦可不地乎公羊傳夷齊地亦非也使夷爲齊地則當書齊人以夫人姜氏歸薨于夷胡傳謂以喪歸魯亦非也凡經書以歸者皆歸其國也使夫人薨于夷齊人以喪歸魯則後當書夫人氏之喪至自夷且齊魯接壤使七月以喪歸魯不應十二月始至然則何以知其爲故也魯夫人奔而薨於外而齊以其喪歸則故可知矣

楚人伐鄭

前此聘稱人今伐而稱人楚益強而魯人重之
八月公會齊侯宋公鄭伯曹伯邾人于櫓

左傳謀救鄭也

九月公敗邾師于偃

胡傳既會邾人于櫓又敗邾師于偃直書其事
而義自見

冬十月壬午公子友帥師敗莒師于鄆獲莒挈

不言莒師來伐何也未迫吾地逆而擊之與外

師不書伐而書戰同

十有二月丁巳夫人氏之喪至自齊

公羊傳不稱姜氏與弑公也然則曷爲不於其弑焉貶貶必於其重者莫重乎其以喪至也趙氏謂文姜孫齊不稱姜氏哀姜喪歸不稱姜氏承前文而聯爲一事非也宋華元出奔晉宋華元自晉歸于宋中無間事猶再書宋華元安有閭月踰時而去姓氏以聯爲一事者哉

二年春王正月城楚丘

齊桓城三國屬辭各異皆以其實書也。城邢者獨三國之師也。緣陵則命諸侯城之而齊不與也。楚邱則命魯獨城之而諸侯不與也。何以知諸侯不與也。當是時陳鄭迫於楚宋曹既同城邢之役而齊宋復謀會江黃惟魯以內難凡役皆不與。故至是使獨任楚邱之役耳。不書衛遷何也。魯爲衛城。故魯史書之。城畢而衛人自遷。則法不宜書。考之於經杞遷於緣陵不書。徵之以傳邾遷於繹晉遷於新田不書。是也。然則邢

遷于夷儀何以書自遷而告於諸侯以求城將有其末不得不錄其本也。楚邱衛地而與城內邑同文何也。春秋於會遇盟戰之地皆不繫以國。蓋職方具在書某地則知爲某國必如彭城之披於楚虎牢之戍於晉而後還繫之宋鄭耳。孔氏穎達曰不言城夷儀而言城邢邢已遷也。言城楚邱不言城衛衛未遷也。

夏五月辛巳葬我小君哀姜

虞師晉師滅下陽

下陽附庸之國也。據左傳。虢與虞皆滅於五年之冬。蓋滅下陽。執虞公以告而書。虞虢之滅。則不告而不書耳。晉武獻兼國如霍。揚韓魏之屬。無一見於經。况虞虢屬尊位重。晉人首敗宗盟。而滅襄內同姓。其無辭以告於魯明矣。

秋九月。齊侯宋公。江人黃人盟于貫。

公穀二傳。諸侯皆在。獨言齊宋。非也。未有與會盟而不列序者。蓋齊桓方謀伐楚。不欲先事數勤諸侯。江黃與楚鄰。而楚邊於宋。故取道里之

近獨與宋公盟之江黃再會而謀定然後興諸侯之師耳。

冬十月不雨

次年書六月雨故每時獨書首月也

楚人侵鄭

三年春王正月不雨。夏四月不雨

穀梁傳一時言不雨者閔雨也閔雨者有志乎民者也蓋君重其事則史詳之。高氏閔曰不雨八越月而不書旱何也凡書旱者雖有時而

雨猶以不足爲旱也。若直不雨，則旱在其中矣。
徐人取舒。

徐見於經者，取舒伐英氏，稱人敗于婁林，伐莒，
舉號會申，書爵皆舊史之文也。蓋僖公初年，齊
霸方盛，諸侯歸附，荆舒是懲，魯且以爲已功，故
徐之取舒爲齊撓。楚魯史因進而稱人，至十五
年，楚人伐徐，諸侯怠救，楚卒敗徐，在會者皆以
爲恥，而魯史因以裔蠻相敗爲文。文公時，魯方
親莒，莒以徐伐，請盟，故以號舉，皆史臣因時事

邦交以爲進退。而非有義理之可求者也。至申之會。則天下諸侯皆服於楚楚。既右徐列。諸滕頓胡沈小邾宋世子之上。故舊史承赴告之辭。而並以爵稱。若以褒貶爲義。則伐莒可貶而婁林之敗。爲從中國而受師。貶之何義乎。取舒伐英氏。可褒而申之會。褒之何義乎。

六月雨

穀梁傳雨云者喜雨也。喜雨者有志乎民者也。秋齊侯宋公江人黃人會于陽穀。

左傳謀伐楚也。貫與陽穀不徵會於列國而既會之後季友如齊。涖盟必陰戒師期而恐爲楚所覺也。齊魯之師旣出。曹衛宋鄭許陳絡繹道會。旬餘可壓蔡境。是以蔡不能支。而楚亦不暇爲備耳。

冬公子友如齊涖盟

穀梁傳涖者位也。其不日前定也不言其人以國與之也。

楚人伐鄭

鄭頻受楚師未聞齊救而曰齊方勤我蓋知桎
貫陽穀三會皆謀伐楚故也

四年春王正月公會齊侯宋公陳侯衛侯鄭伯許
男曹伯侵蔡蔡潰遂伐楚次于陘

胡傳齊不請命擅合諸侯書遂伐楚譏其專非
也楚人僭王猶夏之罪乃九伐之法所未有也
而其強則天下莫加焉桓公陽怒蔡人出其不
意以諸侯之師臨之故服罪請盟而屈完嘖有
煩言尚云雖衆無所用之使先期請命以興諸

侯之師楚人完守蓄謀以逸待勞甚則喪師辱國否亦負固不服師罷無功楚勢益張而不可遏矣書遂者所以志其行師之次虛實之變以著桓公管子之本謀耳凡書遂者繼事之辭何以知侵蔡之本爲伐楚也自管子用齊侵伐未有用大衆者諸侯之師未有聯數國者山戎之遠且獨伐之矣蔡嬴國命將出師可以得志何至盡役諸侯而勤天下之師以與之角力哉然則齊不請命無譏乎諸侯擅興其由來遠矣桓

公之不請命亦前此矣。豈侵蔡非專。直至伐楚而後爲專乎。此以知其不可通也。

夏許男新臣卒

劉氏敞曰。諸侯卒於師則稱師在會則稱會。許男無一稱焉。此去師與會而復歸其國之驗也。楚屈完來盟于師。盟于召陵。

其不書使何也。完受命而視師。非受命而請盟也。傳謂此前定之盟非也。果前定則當書使或書乞盟矣。其再言盟何也。旣盟于師而復盟于

召陵如宋之盟傳載戊寅趙孟及楚公子皙盟以齊言及癸巳乃與諸侯之大夫盟於蒙門之外也使未盟於師宜書楚屈完如師盟于召陵然後辭與事相得召陵之盟與袁婁同而不書及楚屈完何也受盟於師猶可言也以天下公侯而與楚大夫齊盟失位甚矣故召陵之盟屈完與焉而不書及屈完猶僖二十七年公會諸侯盟于宋楚人主之而不書楚人皆所以發疑而見義也晉悼公雞澤之盟陳袁僑如會尚使

諸侯之大夫盟之桓公乃急於要楚而再降體
於屈完使無異文以發之則習而不知其非矣
楚大夫未有以名見者此何以名其事不得不
名也來盟而不目其人冊書無是體也完之氏
何也舊史侈其事重其人而詳之也。胡傳齊
師雖強桓公能以律用之而不暴楚人已服桓
公能以禮下之而不驕庶幾乎王者之事非也
文王伐崇遂作豐邑周公滅唐遂建叔虞楚僭
王號殘諸姬有王者作移以六師而建置他姓

可也。卽不然，亦削其兼地，黜其僭號，然後可以
張天討，定民志。此義管子非不知也。特以楚勢
盛強，量敵揣已，未能得志，故不敢訟言其大惡。
而姑責以可受可辭之罪。楚人雖曰受盟，而君
不赴會，使其臣出盟諸侯。旣盟而擅淫名，侵敗
王畧如故。此正霸者苟且之事，王者所不爲。仲
尼之徒所不道也。胡氏乃善其不暴而能以禮
下楚，悖矣。且南宋君臣苟且疲痿已甚，而胡氏
說經於次陘，則美之以王道於紀魯禦寇之師。

則罪其抗兵出戰而謂當修辭命以求好其立
言之意殊不可得而推矣。文王伐崇而不降
仲尼圍成而不服然必明正其罪以爲後圖是
謂王者之道。

齊人執陳轅濤塗

陳侯會伐同盟而歸塗執其國卿則必謀有不
協可知矣稱人以執則不當其罪亦可見矣
秋及江人黃人伐陳

穀梁傳獨魯及非也蒙上來盟于師之文在會

諸侯歸途同伐陳而江黃以師會耳或曰蒙上
執陳轅濤塗之文獨齊及也公以八月始至則
諸侯之師皆未返國可知矣

八月公至自伐楚

歸致伐楚其出本以伐楚告也。六年伐鄭圍新
城遂救許而以伐鄭致其出本以伐鄭告也。觀
此可以知桓公之本謀矣。

葬許穆公

冬十有二月公孫茲帥師會齊人宋人衛人鄭人

春秋左傳卷之五
許人曹人侵陳

齊桓畧於責楚而苛於治陳召陵以後氣象一變矣蓋惟至誠無息未有假而能久者也

五年春晉侯殺其世子申生

公羊傳殺世子母弟目君甚之也。陳氏傳良曰太子縊於新城則其斥殺何春秋之法苟有讒而不見則其君之罪也是故申生以驪姬之譖自殺宋痤以伊戾之譖自殺直稱君殺而已矣。汪氏克寬曰春秋書殺大夫四十七或稱

國或稱人惟晉侯殺申生宋公殺痤天王殺倭
夫鄭伯克段不稱國不稱人而直稱君以爲獨
其君之罪也。僖十六年鄭伯殺其世子華文十
八年宋公殺其母弟須殺得其罪則不書
杞伯姬來朝其子。

穀梁傳婦人旣嫁不踰竟踰竟非正也。諸侯相
見曰朝。伯姬爲志乎朝其子也。伯姬爲志乎朝
其子則是杞伯失夫之道矣。諸侯相見曰朝以
待人父之道待人子非正也。故曰杞伯姬來。

朝其子參譏也。非歸寧故託於朝其子而來也。使姬爲歸寧則來不宜書而其子之朝當從曹射姑之例矣。

夏公孫茲如牟

左傳謂娶焉而經不書常事也韓侯因覲而娶列於雅歌則於禮無悖可知矣

公及齊侯宋公陳侯衛侯鄭伯許男曹伯會王世子于首止

左傳謀寧周也及以會王世子不可與諸侯同

列也。王世子不名，所以異於諸侯之世子也。

秋八月諸侯盟于首止。

諸侯不序一事而再見者，前目而後凡也。無中事而復舉諸侯，見王世子不與也。盟者不相信，也不敢以所不信而加之尊者，首止、葵邱、平邱皆盟與會同地，而再書其地，先儒以爲書之重詞之複，其中必有大美惡焉。非也有事而會，不協而盟，其禮本異。故書會而不書盟者，專行會禮也。書盟而不書會者，專行盟禮也。旣會而盟。

則書會而又書盟所以見事實也其同地而再書所以別於異地也襄二十五年夏五月諸侯會于夷儀秋八月同盟于重邱是會盟異地而兩書其地者也異地者旣兩書則同地者安得不再書也

鄭伯逃歸不盟

左傳王使周公召鄭伯曰吾撫女以從楚輔之以晉可以少安鄭伯喜於王命而懼其不朝於齊也故逃歸不盟

楚人滅弦弦子奔黃

國滅而君奔例當名而弦子不名不知其名也
楚人滅弦知齊不能問也而黃猶恃齊而受弦
子之奔由是楚人深惡卒致滅亡而齊坐視焉
黃慕義而不自揣桓假仁而不能終其負愧於
黃深矣

九月戊申朔日有食之

冬晉人執虞公

左傳晉修虞祀歸職貢於王蓋首滅同姓貴國

且在畿內而爲三公惡莫大焉故以此自塗飾
所謂修虞祀必聚其族姓畀以小邑使後五廟
以附於山川因國之祀其不肯以滅告明矣

六年春王正月

夏公會齊侯宋公陳侯衛侯曹伯伐鄭圍新城

秋楚人圍許諸侯遂救許

冬公至自伐鄭

七年春齊人伐鄭

夏小邾子來朝

杜氏預曰鄭犂來始得王命而來朝邾之別封
故曰小邾

鄭殺其大夫申侯

李氏廉曰左傳載申侯初有寵於楚文王自楚
奔鄭蓋申侯不忘故國故導鄭伯以從楚鄭伯
乃暴其罪以告齊也不然齊方愛申侯而賜以
虎牢鄭乃殺之得罪於齊矣何得謂說於齊乎
秋七月公會齊侯宋公陳世子款鄭世子華盟于
甯母

曹伯班卒

公子友如齊

趙氏鵬飛曰僖三年公子友如齊聘聽伐楚之期而涖盟焉其後每三年公不朝則季友聘六年伐鄭自魯徂冬不暇朝聘故七年公子友如齊十年公如齊十三年公子友如齊十五年公如齊十六年公子友卒十七年而齊桓卽世

冬葬曹昭公

八年春王正月公會王人齊侯宋公衛侯許男曹

伯陳世子款盟于洮鄭伯乞盟

據左傳王人告難於齊桓公合諸侯而王人泄盟則子帶之亂謀折矣故無譏焉王人先諸侯載書之序然也先儒以王人爲下士非也王臣至魯者皆公卿王子其大夫而稱名者僅焉况方伯公侯之衆會而乃以下士臨之乎蓋列序諸侯不可以斥王臣之名與行次其稱人卽卿大夫也乞盟者鄭伯親之也傳謂處其所而請與非也果爾則當書使某乞盟矣親至於會則

不書如會何也。如會者後至之辭也。乞盟則先期而請也。書盟而後書乞則不得與盟之辭也。○吳氏澂曰：左氏以爲惠王已崩然天王之崩天下所聞豈有一年秘不發喪之禮竊疑此時王或有疾襄王惟恐叔帶篡立改遣使告難於齊桓公於是合諸侯以謀之王人本不當與盟以所謀者王室之事而王人特爲此事而來故亦與盟。至冬王崩而嗣王得安其位者齊桓之力也。又曰鄭伯前年徇惠王之邪心逃首止之

盟蓋不欲定世子也今見齊桓再會諸侯結盟以定世子之位襄王將嗣位爲王矣故懼後禍悔前非而乞與此盟也

夏狄伐晉

趙氏鵬飛曰狄伐邢齊救而城之狄入衛齊徙而封之今狄伐晉齊桓不問何也蓋自齊霸晉歷三世未嘗一窺諸侯之壇坫蓋自以爲畿北之大國不屈於齊故齊亦視之蔑如也

秋七月禘于太廟用致夫人

太廟書禘則知魯以禘祀周公。非禮也。可以徵
成王賜祭之說妄矣。夫人風氏也。致生者之辭
也。若哀姜入廟。則當書祔矣。其不言風氏何也。
舊史書夫人而不書風氏。孔子不能益也。觀三
傳傳聞各異。則知舊史止書夫人而傳者當日
已不辨其爲風與姜矣。

冬十有二月丁未天王崩

九年春王正月丁丑宋公御說卒

夏公會宰周公齊侯宋子衛侯鄭伯許男曹伯于

葵丘

宰周公爵也可與諸侯列序故不稱王人也王
方在殯而宰出會諸侯則王室多故可知矣但
齊桓號曰尊王而魯不會惠王之葬當日之情
事蓋不可得而推也宋稱子未葬之辭

秋七月乙酉伯姬卒

舊史於內女之卒非有變不書無變而卒者君
重其事而爲之變也僖之篇伯姬鄫季姬文之
篇子叔姬是也二百四十年內女無變而卒者

多矣。而見經者。惟三姬。則以君爲之變。而特書也。審矣。公子而不爲大夫者。卒皆不書。而叔盼書。亦此類也。然則孔子不削何也。變常則書者。春秋之法也。故存而不削。以徵過焉。凡公子內女之卒焉。知非舊史備書。而孔子削之也。盡削公子之卒。而獨存叔盼。以著其賢。猶可言也。盡削內女之卒。而獨存三姬。則義無所處矣。

九月戊辰諸侯盟于葵丘

復舉諸侯宰。周公不與也。洮之盟。必扳王人以

泄之。然後可以遏亂謀。蔡邱之盟。必不敢與宰
周公偕。然後可以著臣節。此桓公管子制事以
義足爲後法者。

甲子晉侯詭諸卒

冬晉里克殺其君之子奚齊

書殺著篡也。書君之子非自爲篡弑。不得例於
州吁也。傳謂國人不子非也。豈國人於奚齊則
不子而於卓則君之乎。此春秋之特筆也。

十年春王正月公如齊

狄滅溫溫子奔衛

據左傳溫蘇氏邑也王臣無五等之爵不當稱子溫邑而非國不當書滅豈如鄭桓公武公始

爲王卿士其後建國遂比於外諸侯與

傳稱蘇子與檀

伯達封於河

則建國舊矣畿內之國狄乃滅之而桓公弗圖

狄所以侮王室輕諸夏而卒致襄王出居之禍也

晉里克弑其君卓及其大夫荀息

胡傳以爲里克君之而引其在獻公時中立自

免爲斷非也。果爾則當於奚齊之死而正其罪矣。然則卓之異於奚齊奈何。驪姬發大難禍太子爲奚齊而非爲卓也。奚齊無可立之道而有可討之罪義。不得書弑。至奚齊見殺。諸公子惟卓在國。夷吾重耳。故非守適。卓未嘗無可立之道也。且克威權能殺奚齊而使其黨莫可誰何。使能申明大義。廢卓黜荀息。迎諸公子之賢者而立之。豈不名正言順。乃任荀息立卓而復殺之。視賊其君如豚特。故成其君臣之名以正其

怙亂無上之罪也。或謂卓踰年故稱君而別於
奚齊非也。齊舍未踰年而稱君。則其說不可通
矣。此聖人緣情制法大義之炳然者。以傳考之
左氏於卓與奚齊並稱殺公穀。並稱弑舊史所
見亦若是而已矣。苟息從君於昏而得與孔父
仇牧同書。何也以視苟免者則有間矣。

夏齊侯許男伐北戎

諸侯嘗救許故伐北戎。專以役許而休諸侯。然
當是時狄及晉楚之患甚於戎。不宜避強而圖

弱且許方患楚而黜以遠攻非字小之道也
晉殺其大夫里克

非。討。其。弑。君。之。罪。也。則。爲。殺。其。大。夫。而。已。

秋七月

冬大雨雪

冬以大雨雪爲異則知春秋所書非夏時矣。

十有一年春晉殺其大夫平鄭父

胡傳鄭之謀出惠公由殺里克致之故不去其
官非也人臣懼禍及身以謀其上罪遂可末減

乎。凡。居。位。而。見。殺。者。皆。稱。大。夫。不。論。其。罪。之。有。無。也。况。貴。戚。之。卿。可。以。易。位。惠。公。淫。昏。悖。亂。不。足。以。定。國。鄭。之。謀。建。重。耳。未。嘗。非。社。稷。之。利。自。不。得。與。討。亂。同。文。耳。晉。人。告。亂。必。曰。殺。公。子。卓。而。以。弑。其。君。書。告。殺。平。鄭。父。必。曰。討。亂。而。以。殺。大。夫。書。若。此。類。恐。非。舊。史。所。能。及。也。

夏公及夫人姜氏會齊侯于陽穀

夫人歸寧可也兩君爲會而夫人與焉可乎然書公及夫人則婦從夫之常辭與文姜異矣

秋八月大雩

冬楚人伐黃

滅未有書伐圍者。而黃書伐江書圍蓋以從中國被兵。故望救而來告也。

十有二年春王三月庚午日有食之

夏楚人滅黃

黃以從齊見滅城守三時而齊救不至無以宗諸侯矣。胡傳春秋滅人之國其罪則一而見滅之君其例有三以歸者旣無死難之節又無

克復之志。貪生畏死。甘就執辱。其罪爲重。許斯頓牂之類是也。出奔者。雖不死於社稷。有興復之望焉。託於諸侯。猶得寓禮。其罪爲輕。弦子溫子之類是也。若夫國滅死於其位。是得正而斃焉者矣。於禮爲合。於時爲不幸。若江黃二國是也。公羊傳所謂亡國之善辭。上下之同力也。

秋七月

冬十有二月丁丑陳侯杵臼卒

十有三年春秋侵衛

夏四月葬陳宣公

公會齊侯宋公陳侯衛侯鄭伯許男曹伯于鹹

左傳淮夷病杞故且謀王室也

秋九月大雩

冬公子友如齊

十有四年春諸侯城緣陵

凡統言諸侯者前目而後凡也前此諸侯無列
序者而統言之何也令出於齊城之者則諸侯
而齊不與也霸者之令有使諸侯承事而已不

春秋左傳卷之五
與者矣。襄五年。魯仲孫蔑。衛孫林父。會吳于善道。是也。此其不可列序。何也。蓋會吳。雖列序。魯衛之大夫。而可知爲晉令也。若城緣陵。而列序諸侯。則似諸侯自城之。而不知其爲齊令矣。何以知齊人不與也。使齊人率諸侯以城。則如城邢之列序可也。

夏六月季姬及鄆子遇于防。使鄆子來朝。

內女適人者繫國。未嫁書字。季姬書字而不繫國。則女而非婦明矣。及者內爲志。蓋使自擇配。

故得與鄆子遇也如左氏所傳鄆季姬來寧公
怒止之而要鄆子使來朝則當書某月鄆季姬
來某日及鄆子會于防使鄆子來朝若卒然相
遇不由期約則當書季姬遇鄆子于防以是知
公羊所傳於經爲合也明年季姬歸于鄆以始
嬖之辭書則此非歸寧益明矣

秋八月辛卯沙鹿崩

經書山川不繫以國者自古有定名非一國所
得專也

狄侵鄭

冬蔡侯旂卒

十有五年春王正月公如齊

張氏洽曰公十年朝齊此又朝齊蓋用事天子
五年一朝之禮矣

楚人伐徐

三月公會齊侯宋公陳侯衛侯鄭伯許男曹伯盟
于牡丘遂次于匡

穀梁傳遂繼事也次止也有畏也

公孫敖帥師及諸侯之大夫救徐

胡傳大夫帥師而諸侯不行桓德益衰而志怠矣

夏五月日有食之

左傳不書朔與日官失之也

秋七月齊師曹師伐厲

左傳伐厲以救徐也蓋齊實畏楚不敢撓其鋒故託言攻楚所必救而帥曹師以伐厲齊師旣移則諸侯之大夫益無固志矣此徐所以不支

而楚益無忌也

八月螽

九月公至自會

李氏廉曰不以救徐致諸侯不親行也。公以九月至則知齊曹伐厲。次匡之諸侯救徐之大夫皆引而歸矣。蓋實逃楚而陽避其名耳。

季姬歸于鄆

內女之歸非失禮不書此以及鄆子遇防而書也

已卯晦震夷伯之廟

胡傳不曰夷伯之廟震而曰震夷伯之廟天應之也或曰曰夷伯之廟震則似震由地起曰震夷伯之廟乃知爲雷震劉氏做謂君前臣名不宜稱諡非也在禮大夫歿雖言於君所稱諡若字以他事著於史冊與生卒稱名之義異無可疑者

冬宋人伐曹

齊桓避楚不獨爲楚所弱且爲宋所窺故自莊

十四年曹從齊伐宋宋不敢釋憾而至是始加
兵也

楚人敗徐于婁林

徐嘗稱人矣此役諸侯救之而乃以號舉何也
諸侯逃楚魯亦恥之而舊史因以裔蠻相敗爲
文耳

十有一月壬戌晉侯及秦伯戰于韓獲晉侯

戰不言伐蓋戰於國境則見伐不待言矣不書
以歸未入於秦也書獲而不書歸者獲告而歸

不告也。○劉氏敞曰：君將不言帥師，君重於師也。君傷，君獲亦不言師敗績，三者異文同義。十有六年春，王正月戊申朔，隕石于宋五。是月六鷁退飛過宋都。

公羊傳曷爲先言實而後言石？實石記聞，聞其碩然視之則石，察之則五。曷爲先言六而後言鷁？六鷁退飛記見也。視之則六，察之則鷁。徐而察之則退飛。○穀梁傳於宋四境之內曰：宋後數散辭也耳。治也是月者，決不日而月也。六鷁

退飛過宋都先數聚辭也目治也

三月壬申公子季友卒

胡傳聞之師曰魯卿有生而賜氏者季友仲遂是也生而賜氏命爲世卿也季子忠賢在僖公有翼戴之勤襄仲弑逆在宣公有援立之力二君欲以異賞報之故皆生而賜氏俾世其官卒以氏書誌變法亂紀之始也

夏四月丙申鄆季姬卒

內女之卒有變然後書無變而書者君重其事

而適於禮之常制故特書於冊也存而不削以
徵過也重其事則不書葬何也內女書葬亦禮
之變也以爲著其賢者非也宋共姬之葬也以
卿共葬事而書紀叔姬之葬也以媵而書二姬
之賢與葬之之非禮其義兩行而不相悖也鄫
季姬之卒也以過禮而書其葬也以無變而不
書其義亦兩行而不相悖也

秋七月甲子公孫茲卒

冬十有二月公會齊侯宋公陳侯衛侯鄭伯許男

邢侯曹伯于淮

邢未嘗與齊桓會豈至是稍能立國桓乃徵會
與抑將致難於衛而自請從役以求親於齊也
十有七年春齊人徐人伐英氏

婁林之敗徐以號舉此文以與徐同役而稱人
舊史以意爲之而非有典法明矣

夏滅項

胡傳考於經未有書外滅而不言國者如齊師
滅譚是也亦未有書內取而直言魯者如取鄆

取郛取郕是也。由此知項爲魯滅無疑矣。其辨公穀之誤確切而有據。但以取鄆取郛取郕爲爲君諱滅項則僖公在會乃季孫所爲故不爲之諱則非也。凡書取者取爲附庸也。徐人取舒是也。滅而書取則非其事之實矣。文姜之會齊侯莊公之與齊狩不諱而諱滅國乎。況僖公時政未下移季友之子無佚早亡行父稚年安能擅興而滅國乎。蓋魯宋恃齊交之固知桓志之衰故牡邱會罷而宋伐曹。淮之會罷而魯滅

項耳其不書公滅與取鄆取郕不書公同義

秋夫人姜氏會齊侯于卞

先儒皆據左傳謂齊以滅項止公夫人會齊侯請而釋之但公若以滅項見止則夫人當如齊侯齊侯之歸而請之豈能致齊侯來魯且齊風重魯宋齊方與曹同役而宋人伐曹齊不能詰也乃以滅項執魯君乎况霸主旣歸孰止公於會者疑齊侯以疾先歸而留諸侯於會以防淮

夷之變援伐英之師齊侯道經魯境故夫人往問疾而公九月始至自會耳。夫人齊桓公女也魯僖公去齊僖公四十餘年哀姜又齊襄公女不應父子同娶於齊襄趙氏訪求其說而不得遂以爲子糾之女爲讐言怨故久而後見不知陽穀與卞之會以變禮書若歲一歸寧則常事不書無以知其久而後見也其聘娶不見於經則或以常事不書或娶於公子時不應書耳

九月公至自會

冬十有二月乙亥齊侯小白卒

呂氏大圭曰春秋之世盛衰凡三變。王臣下聘而不報。王師出伐而無功。戎強於北。荆盛於南。鄭分許鄆。宋廢鄭嗣。此桓公之未興也。王禁明而王臣不下聘者六十年。盟會同而諸侯無私爭者三十載。序續召陵而荆帖。陳旅聶北而狄退。獻捷過魯而戎弭。此桓公之主霸也。天王出居而官守不問。衛滅懿親而義師無討。楚書子而主會矣。狄書人而參盟矣。此桓公之既沒也。

桓公一人之身盛衰又凡三變。伐鄭侵宋衆心未一入蔡侵鄭戎疾未殄滅遂降鄆設施多舛遇穀盟扈檢防易肆蓋桓公圖霸之初也。貫澤而下葵邱以前衣裳不軟血兵車無大戰仲尼稱其一匡孟子與其爲盛在是數年桓公定霸之日也。九國叛而萌震矜管仲死而放繩墨城杞敗於城邢救徐怠於救許伐黃則外憂起會卞則家法虧蓋桓公成霸之後也。驗春秋大勢之三變則桓公主霸爲有功卽桓公一身之三

變則桓公立功爲不遠功過乘除齊霸之顛末可考矣

十有八年春王正月宋公曹伯衛人邾人伐齊

宋之伐齊納孝公也而不書何也魯之救齊將以抗宋也而宋人獨勝殺無虧定昭而還魯以爲恥故宋人之納昭昭之立無虧之殺皆不著於冊書而備書師救狄救以偏著其伐喪之罪舊史所無孔子不能益也

三
師救齊

公將也。與宋爭衡。而宋擅其功。故君以爲慙。而史不致斥也。抗大國用大師。必不使微者將。卿將則當書某帥師。以是知其爲諱也。

五月戊寅。宋師及齊師戰于廩丘。齊師敗績。

戰而書及主乎。是戰者也。凡戰以主及客。設主人完守而不出。則戰無由接。獨此以客及主。深罪宋也。伐書宋公戰。書宋師何也。公羊傳宋公與伐而不與戰是也。李氏廉曰。鄭康成謂及者。別異客主。不施於直。不直。直不自在。事而

已鄭說固足以辨何氏之失然兵凶戰危何得
汲汲欲戰故凡爲志乎戰者春秋皆貶之在主
人而及客則非處已息爭之道在客而及主人
又豈仗義執言之師乎故春秋書伐而戰者三
獨宋公以客及主乃變文以深貶宋也穀梁之
說精矣

狄救齊

秋八月丁亥葬齊桓公

冬邢人狄人伐衛

救齊以號舉此稱人蓋邢周公之裔亟困於衛而公之救齊衛與宋同心魯不能抗而私以爲憾故狄與邢同伐舊史以人書

十有九年春王三月宋人執滕子嬰齊

滕子何以名自是不返國也。齊桓九合皆魯宋帥衛諸大國而邾滕同役者鮮焉故德足以懷而力亦足以威也宋襄圖霸大國無與同好而亟示威於小國非獨德薄謀亦慎矣

夏六月宋公曹人邾人盟于曹南

鄫子會盟于邾已酉邾人執鄫子用之

穀梁傳用之者叩其鼻以衄社也。如左傳所云則當書宋公使邾人執鄫子用之乃得其實疑邾鄫有私怨鄫子後會宋公心惡之適至於邾邾人遂假宋之威戕之以快其私忿耳然宋公以惡鄫子之後盟而縱邾人之大惡其罪亦有不可掩者矣鄫子宜名者也又魯姻也而失其名則舊史記事有詳畧也

春秋宋人圖曹

左傳討不服也

衛人伐邾

冬會陳人蔡人楚人鄭人盟于齊

書會而不目其人何也此諸侯與大夫齊盟之始也前此有霸主徵會而列國之大夫聽命者矣有離盟參盟而大夫與焉者矣有遠國之人受霸主之盟者矣此則四國之大夫來盟齊魯之君是大夫與諸侯抗盟之始也故特文以見義焉。中夏諸侯之合非楚人之利也齊桓

甫沒宋襄屢合諸侯曹衛邾滕皆從之楚恐其
勢復合故倡爲此盟以敗之齊忌宋之奪其霸
權而不知實墮楚計也曩令齊魯宋衛同心則
陳鄭將持兩端而附楚不堅楚顧豈敢深入內
地虐執盟主而無所旋忌哉自有此盟然後宋
孤而中夏之勢大屈盟薄戰泓楚氛益熾曹衛
亦折而南嚮矣至於成穀逼齊合兵圍宋遂有
鞭笞天下之心非晉文暴起而挫之殆哉岌岌
乎蓋世未有內憂不作而外患乘之者也。楚

人序陳蔡之下必嘗試諸夏所使非國卿也

梁亡

梁之亡舊史以傳聞書也。秦取之不書不告也。凡滅國勝者或告克焉。梁自潰而秦取之。無爲告於鄰國。且時秦魯尚未通也。

二十年春新作南門

非因崩圯也。則變古踰制明矣。周官匠人營國方九里。旁三門。內外傳於列國。無言南門者。豈南門獨天子有與。○孫氏復曰。新延廡不言作。

此言作改舊制可知

夏郕子來朝

公羊傳以郕子爲失地之君何氏休遂謂春秋前宋已滅郕蓋據取郕大鼎之文不知不足據也晉賜子產莒之二方鼎遂得謂莒亡乎

五月乙巳西宮災

何氏休曰禮夫人居中宮少在前右媵居西宮左媵居東宮少在後

鄭人入滑

秋齊人狄人盟于邾

魯重齊而親邢故狄書人舊史之不可爲典要
如此

冬楚人伐隨

二十有一年春秋侵衛

宋人齊人楚人盟于鹿上

三國大夫之盟也

夏大旱

秋宋公楚子陳侯蔡侯鄭伯許男曹伯會于孟執

宋公以伐宋

胡傳執宋公者。楚子也。何以不言楚子。執分惡於諸侯也。○齊桓之謀帖楚也。深結魯宋衛鄭。繼得陳許徐中夏小國。以及江黃之遠。莫不服從。然後舉侵蔡伐楚之師。孟之會自曹以外。皆從楚之諸侯。而宋襄欲以虛名駕楚。其慮疎而事舛。不必言矣。但方是時。獨衛有狄難。使齊魯大國皆會。楚亦未敢遽執宋公。其避而不前。蓋深忌宋霸之成。而不知轉授楚以柄也。○魯於孟

之會則自外以孤宋。薄之盟則取先以附楚。而齊之忌宋尤甚。楚之張齊魯實成之。

冬公伐邾

楚人使宜申來獻捷

不書宋捷。公羊傳謂爲宋諱。非也。未有不諱。執而諱敗者。胡傳又謂爲魯諱。亦非也。乞師於楚以伐齊。不諱。而諱受楚捷乎。春秋之文簡而有法。有彼此互見者。孟之會以同執爲文。而獻捷獨楚。則知見執於楚矣。前書執宋公以伐宋。而

此書楚人獻捷。則知所獻宋捷矣。言使則未有稱人者。此其稱楚人何。魯雖忌宋。而未嘗不憤其見執。雖畏楚。而未嘗不惡其暴。故舊史以人書。

十有二月癸丑公會諸侯盟于薄。釋宋公。

書會諸侯前目。而後凡也。凡諸侯見執。或書歸。或不書歸者。有不歸之勢。而後其國以歸告也。宋公書釋有不釋之勢也。何以不書歸。執於宋。釋於宋也。穀梁傳不言楚不與楚專釋也。

二十有二年春公伐邾取須句

夏宋公衛侯許男滕子伐鄭

宋公見執而三國旋就宋而棄楚陳亦離心蓋深懼楚人之暴詐而思中國之有霸也使襄公當此能內紀國政布德修禮以綏諸侯同心固守息力蓄謀觀釁而動雖未能遽得志於楚尚無大殃乃急於爭鄭以致楚師智小而謀大力小而任重鮮不及矣。宋再折於楚而衛侯尚同伐鄭之師楚越陳鄭宋衛而後可加兵於魯

非若衛之迫楚禍也而附楚每汲汲焉比事以觀益知魯之非義矣

秋八月丁未及邾人戰于升陘

據左傳則公實親戰而書法與戰奚同其爲微者之戰或諱公敗要之皆舊史之文謂孔子以諱爲貶則義無所處

冬十有一月己巳朔宋公及楚人戰于泓宋師敗績

以內及外也楚稱人非君也左傳宋公身傷而

書法與鄆陵異。蓋宋人告敗而諱君傷楚。則未得其詳。故獻捷未之及耳。鄆陵之敗。書楚子晉人欲伐其功。故赴告特張其事。

二十有三年春。齊侯伐宋。圍緡。

案左傳討其不與盟於齊。以是知齊之忌宋尤深也。齊侯昧大義。忘舊德。乘人之危而肆其暴。直書而罪自見矣。

夏五月庚寅。宋公茲父卒。

自齊桓以來。魯於宋襄無盟。不同而不會其葬。

蓋楚方惡宋戰勝威行而魯畏之也。左傳載魯爲楚戍衛懼晉而殺公子買以說春秋時邦交蓋如此。

秋楚人伐陳

宋盟曹南伐鄭陳皆不與而盟齊會孟伐宋並從楚未見其貳於宋也。蓋以伐宋之後鄭朝楚而陳不朝故假以爲辭而伐之耳。或曰頓背陳事楚陳猶責禮焉伐陳由頓訴也。

冬十有一月杞子卒

杞稱子時王所黜也伯姬在杞而杞子之卒不
名則知舊史記事有詳畧而不可以義法求矣
二十有四年春王正月

夏狄伐鄭

據左傳王出狄師則是冬王出不宜反倂鄭豈
顏叔桃子陰黨叔帶以鄭爲王所毗倚而先啓
狄以伐之耶

秋七月

冬天王出居于鄭

其書出何也。去王畿而越在鄭地也。與皇與狄
泉異矣。自周無出傳者之誤也。天王之入不書
何也。王室禍亂。魯不與聞。則舊史不書。子頽之
亂。惠王之定不書。以虢鄭尸之而魯不與也。襄
王之入。叔帶之討不書。以晉尸之而魯不與也。
子朝之亂。備書於冊。以叔鞅方有事於京師。而
其後魯與城成周之役也。蓋王室懿親莫重於
魯。有禍亂興。魯不能救。而他國有功。則魯人恥
之。而不書於冊。孔子不能益也。然則其書出何

王命特至於魯而臧文仲有奔問官守之對則已著於冊書矣。厥後終不能勤王。故忌晉之功而不書王入耳。

晉侯夷吾卒

一十有五年春王正月丙午衛侯燬滅邢

記曰諸侯不生名據春秋所書而爲言不知其爲舊史之文而非春秋之法也。其曰失地名據蔡侯獻舞徐子章羽之類而言也。然於國亡君奔而不名者不可通矣。其曰滅同姓名據衛燬

滅邾而言也。然楚滅夔、齊滅萊，同姓也而不名。楚子虔誘蔡侯般殺之於申，非滅同姓也而名。則其義又不可通矣。凡此類皆舊史之文也。邾、周公之裔而衛滅之，蔡文之昭而楚誘殺其君，故魯人惡之而名其君也。然則孔子不削何也？衛侯燬、楚子虔之名可削也，宰咺、宰糾之行次高子、仲孫、華孫之名何從而得之乎？使有革有不革，則凡舊史所稱之亂雜而無章者，愈不可得而推矣。

夏四月癸酉衛侯燬卒

宋蕩伯姬來逆婦

莊之篇伯姬歸杞不稱子則爲桓公之女明矣
僖之篇伯姬卒不書子則爲莊公之女明矣以
是推之蕩伯姬必僖公女也其始嫁以常事不
書今書其來以公下主大夫之昏也非公主之
則其人微其事微雖以姑逆婦爲失禮亦不宜
載於策書。

宋殺其大夫

春秋左傳卷之五
舊史以傳聞書也。赴告不及。但知其國有是事而已。

秋楚人圍陳納頓子于頓

圍陳以納頓子也。使爲二事則當爲更端之辭。如侵曹伐衛之並舉。晉侯矣。胡氏謂納者不與其納非也。北燕伯款亦不與其納乎。孔氏穎達曰。圍陳而納頓子。明頓子迫於陳而出奔楚。人納之。知其奔楚。汪氏克寬曰。失地出奔。則名他國。納之不名。以諸侯不得相名也。故頓子

北燕伯皆不名

此別爲一說存以備參考

葬衛文公

冬十有二月癸亥公會衛子莒慶盟于洮

成公以前列國之大夫會盟無以名見者至春秋之終小國之大夫會盟無以名見者莒慶何以名魯姻也故史冊稱名以寵異之

二十有六年春王正月己未公會莒子衛甯速盟于向

衛甯速何以名洮之盟冊書登莒慶故向之盟

不得不登甯速也。宋襄敗死。晉霸未興。齊有夙憾。近魯之國。衛莒少強。故公與相結而再盟。以申固之。

齊人侵我西鄙。公追齊師至鄆。弗及。

胡傳謂前書齊人是見其弱以誘魯。後書齊師是伏其衆以邀魯。非也。戰稱人敗稱師。春秋之通例。戰稱人者。兼將而言也。敗稱師。間亦稱人者。別衆寡也。至謂稱齊人爲罪。齊益誤矣。齊桓之師。非自將。鮮不稱人者。蓋自宣以前。外大夫

會盟侵伐恒稱人。○齊孝公爭立舊有憾於魯以魯旋會盟於齊無辭復爲兵端及宋旣敗遂妄意爭霸故伐宋則曰討其不與於齊之盟而再加兵於魯亦以洮之盟爲辭

夏齊人伐我北鄙

衛人伐齊

公子遂如楚乞師

雖憾於齊豈宜延楚師入伐自公子遂用事僖公末政無一可觀者明年入杞遂實主兵會楚

春秋左傳卷之五
盟宋魯實爭赴幸晉文興霸數年未敢肆惡而
間文之歿逞志於邾憮人之望誤人君若此
秋楚人滅夔以夔子歸

夔子不名不知其名也

冬楚人伐宋圍緡

左傳以其善於晉侯也

公以楚師伐齊取穀

內師不義無過於此者而直書不諱故知凡會
盟書會而不書公乃特文以發疑非主於諱過

也

公至自伐齊

二十有七年春杞子來朝

夏六月庚寅齊侯昭卒

秋八月乙未葬齊孝公

乙巳公子遂帥師入杞

左傳責無禮也伯姬拳拳託其子於魯桓公魯甥也嗣位而來朝豈敢不恭所謂無禮必旅幣或闕耳而遂興大衆以入其國是誠何心哉其

後伯姬復來求婦可哀也矣

冬楚人陳侯蔡侯鄭伯許男圍宋

穀梁傳人楚子以人諸侯先儒因之非也二十
一年會孟執宋公不貶稱人而於圍宋貶乎城
濮之戰左傳楚子入居於申使申叔去穀使子
玉去宋則圍宋者實得臣耳楚虔使羣帥圍徐
而次乾谿以爲之援蓋其國軍政如此

十有二月甲戌公會諸侯盟于宋

公之會爲楚非爲諸侯也而不書楚人何也凡

大夫主會盟而列序諸侯之上則總書諸侯而
沒大夫蓋特文以見義也主是盟者楚人所會
者卽楚人帥以圍宋之諸侯未有盟諸侯而不
盟楚人者而第書諸侯則諱楚大夫之先諸侯
可知矣僖文以後凡諸侯之合皆晉故也未有
諸侯自爲會盟而晉人不與者而文之篇盟扈
會扈第書諸侯則諱晉大夫之先諸侯可知矣
然則圍宋何以先楚人其主兵之實不可沒也
且主兵而先猶可言也列會而先不可言也會

盟之非義有諱不書公以發疑者矣而此更以不序諸侯爲義何也使于幽于齊翟泉之盟而總言諸侯大夫則不知主盟者何國從之者何國矣使此盟及文十五年盟扈十七年會扈列序諸侯而沒晉楚之大夫則似諸侯自爲會盟而晉楚實不與矣此所以文各有當而不可以相易也春秋於篡弒直書不諱而大夫之主諸侯則諱之何也篡弒而不書則竟沒其事之實矣若此類文變義立而實亦未嘗沒也所謂微

辭隱義時措從宜者此也

二十有八年春晉侯侵曹晉侯伐衛

齊桓本以伐楚出而侵蔡爲兵端故書侵蔡遂伐楚本以伐鄭出而救許爲繼事故書遂救許晉文侵曹伐衛本以二事出不得書侵曹遂伐衛也再書晉侯文當然耳公子遂盟趙盾雜戎以兩事出則再書卽此義也

公子買戍衛不卒戍刺之

魯殺大夫稱刺臣子之辭也猶外諸侯書卒而

魯君書薨也。魯刺大夫二。或言其故。或不言其故。皆舊史之文。蓋殺大夫必錄其得罪之由。史之常法也。然公子買見殺之故。可言也。而公子偃見殺之故。不可言也。故書辭異焉。孔子不革而一之。何也。偃之不言其故者。不可增也。於買而削其故。則刑之不中。與當日之邦交。皆不可得而見矣。

楚人救衛

胡傳謂書楚救以罪晉。非也。不書楚救。則不知。

衛之附楚與城濮之師所由合也。

三月丙午晉侯入曹執曹伯畀宋人。

凡執諸侯大夫皆稱人以是爲亂世相凌暴之事也。此其不稱人何也。書畀宋人則其失顯著。雖蒙上晉侯入曹之文而不疑於霸討也。若書晉人入曹則似晉大夫以偏師入曹而不知晉侯親之矣。

夏四月己巳晉侯齊師宋師秦師及楚人戰于城濮。楚師敗績。

楚稱人主兵者得臣也以晉及楚以內及外也
齊宋秦稱師而楚稱人何也齊宋秦稱人則不
知其師之衆也楚於敗績稱師故戰稱人以明
主兵者大夫耳

楚殺其大夫得臣

稱國以殺者以國法殺之也胡傳以不去其官
爲譏楚子非也凡見殺而不書大夫者非其大
夫也得臣又非州吁無知之比也然則舍殺其
大夫何以屬辭哉楚屈完嘗書氏矣而宜申得

臣椒復獨書名猶狄於盟邢伐衛書人而後復以號舉也舊史以意爲詳畧豈可以義理求之哉

衛侯出奔楚

衛侯出不名而歸名何也凡諸侯出奔而名者非國有二君則去國而不反也國有二君非名無以別也鄭伯突衛侯朔是也去國而不反則是君之終也蔡侯朱莒子庚與邾子益是也若其國止一君又非是君之終則無事舉其名也

奔而反國執而反國則必名者已嘗失位矣。至是而復不得不目其人也。曹負芻獨不名者歸自京師則其位未嘗絕也。

五月癸丑公會晉侯齊侯宋公蔡侯鄭伯衛子莒子盟于踐土

衛侯猶在而叔武以未踰年之君稱何也。晉人君之而叔武讓焉。不可以稱爵。又不可以稱公子。故舊史以子書而孔子因之以著其不安於位之實也。使叔武如鄭突之志乎篡則天子臨

之方伯命之。可泰然立乎其位而稱衛侯矣。孔子不革何也。使書公子武。或衛侯之弟。武則大夫。受盟之常辭。而晉侯之專。叔武之讓。反不可得而見矣。叔武所處與公子瑕異。立瑕者元咺耳。可固拒也。天子臨之。方伯命之。武固辭。則他人卽之矣。公羊傳文公逐衛侯而立叔武。叔武辭立而他人立。則恐衛侯之不得反也。此爲得其情實。齊桓晉文受侯伯之命。未有不告於諸侯者。而不見於經。何也。魯史於異國非變事。

不錄也。定四年傳載踐土載書之辭曰晉重魯申衛武蔡甲午則旣以武爲衛君矣而武不敢居故列國之史猶以子稱

陳侯如會

穀梁傳如會外乎會也

公朝于王所

公及諸侯盟於踐土而朝王則王在踐土明矣而不書王狩何也特文以發疑也是歲王兩出以見諸侯而前出不書猶于幽于齊于翟泉之

盟書會而不書公也。會者公而不書公。然後知三盟之非義也。王在踐土而不書王出。然後知就見諸侯之非禮也。後出書狩於河陽。猶於幽之後。諸侯衆會。仍書公于齊之後。諸侯與大夫之會。仍書公也。蓋始不發疑。無以見義。後不直書。則事實不著也。曰王所者。明在踐土而非京師也。晉以諸侯朝王而不書者。惡其不朝於京師。而使王降尊以臨會也。吳氏澂謂春秋魯史故。但書公朝非也。外諸侯會盟。魯公不與者。皆

得著於經。周室衰微。曠不獄狩。一旦侯伯率天下諸侯以朝天子在天下爲創見之事。其人爲莫並之功。義當大書特書以示於後。若謂以常事不書則又宜並公朝而沒之矣。故知削而不書爲不以尊王之義予晉而誅其意也。然則公朝之不削何也。書公朝然後知王在而諸侯皆朝。知諸侯皆朝然後知削而不書爲不以尊王之義予晉也。

六月衛侯鄭自楚復歸于衛

凡歸而書所自者。赴告詳也。不書所自者。赴告畧也。穀梁傳。楚有奉非也。時楚師新敗。而與夏不通。則不能有奉明矣。叔武見殺。不書舊史所無也。衛侯徐知武之無罪。而歸獄於猷犬。故諱而不告。而魯衛方睦。故國史亦爲之諱。而不書。至公子瑕之死。則衛以討罪告。而魯亦書之於冊耳。公羊傳爲叔武諱殺非也。使書衛侯殺其弟武。則武之無罪。不益明乎。

衛元咺出奔晉

自隱至此近百年。列國之大夫。豈無得罪而去國者。而不見於經。蓋大夫未張。故其國不告也。自元咺訟君。君臣爲獄。而晉侯右之。爲之執君。君入則已。出君出則已。入然後大夫之勢張。故以出奔告者。自咺始也。劉氏敞曰。衛侯果不知情。枕尸而哭。爲殺猷犬。則兄弟之恩篤矣。元咺何爲奔訴於晉。何故衛侯反不勝乎。左傳所云。非其實也。

陳侯款卒

秋杞伯姬來

何以書非歸寧也。姬嫁於莊公之世而不書子。則爲桓公之女明矣。杞伯來朝而見伐故伯姬復來謝過而求平也。

公子遂如齊

齊助晉以戚城濮之功故魯懼而求平以解取穀之怨也。

冬公會晉侯齊侯宋公蔡侯鄭伯陳子莒子邾子秦人于溫

天王狩于河陽

使踐土卽書王狩則似王出而諸侯就朝爲獄
狩之常禮使河陽不書王狩又似書朝而不書
王出爲朝王於外之常辭一書一不書而義皆
見焉此春秋之辭游夏所以不能贊也。河陽
書狩胡傳謂爲晉解程子謂晉文迹謫而心正
啖氏助謂原其自嫌之心嘉其尊王之義皆非
也師諸侯以朝於京師義無所嫌成十三年晉
薦公且爲之矣。若原其力不足以致諸侯之朝

則晉方一戰勝楚諸侯拱手聽命何令不從且
河陽近在王畿而許遠鄰於楚力能遠役諸侯
以圍許而不能近帥以朝王非情也其以狩書
屬辭之體然耳蓋晉侯雖陰召王而王必以時
巡之禮出或魯史本書狩或孔子革而書狩雖
不可知而冊書之體則舍狩無以爲辭。汲冢
周書周襄王會晉文公於河陽當時史臣文士
所見止如此故孔子懼而作春秋

壬申公朝于王所

朝王禮也何以書二百四十年僅再見焉而又非其所故以非常志也

晉人執衛侯歸之于京師

公羊傳歸之于者執之於天子之側者也罪定不定已可知矣歸于者非執之於天子之側者也罪定不定未可知也李氏光地曰王在京師則曰歸于京師義已備也京師卽王也王在會所則曰歸之于京師義始備也王既知其事矣歸其人於京師耳

衛元咺自晉復歸于衛

先儒謂大夫無復道故稱復歸爲惡歸爲善然
趙鞅叛而書歸則元咺書復乃以其勢難復歸
而非以別歸之善惡明矣其異於魚石欒盈之
書入何也鞅則君許之歸咺亦介霸令以求復
與魚石欒盈有徒衆而稱兵以入者異耳

諸侯遂圍許

李氏廉曰合十一國之衆逾時閱歲而不能服
許其甘心從楚蓋亦有懲於江黃也

曹伯襄復歸于曹遂會諸侯圍許

衛鄭曹襄之惡不大於曹負芻而歸書名何也
負芻之執歸於京師而天王釋之則其位未絕
晉文深怨曹衛則必請於天王而絕其位矣故
其歸書名與蔡侯廬陳侯吳同也鄭突衛衍未
聞天王絕其位而書名何也時鄭衛有二君不
書名則不知孰誰也

二十有九年春介葛盧來

公羊傳何以不言朝不能平朝也。邠介與邾

小邾等也。而其君稱名。魯人忽之也。

公至自圍許。

不致會而致圍。何也。襄十八年圍齊而致伐。此致圍皆舊史據告廟之辭書之於冊。

夏六月會王人。晉人。宋人。齊人。陳人。蔡人。秦人。盟于翟泉。

諸侯之大夫與王臣同盟。通春秋僅見於此。故書會不書公。以見義也。自成以前諸侯之大夫無以名見者。諸侯之大夫稱人。不可斥王臣之

名與行次故稱王人先儒以稱人爲貶蓋以王子虎不可謂微者而不知王人本非微者之稱又自成以前列國之大夫皆不以名見也

秋大雨雹

高氏閔曰劉向以爲盛陽雨水溫煖而濕熱陰氣脅之不相入則轉而爲雹盛陰雨雪凝滯而冰寒陽氣蕩之不相入則散而爲霰故雹者陰脅陽也霰者陽薄陰也春秋不書霰猶不書月食

冬介葛盧來

三十年春王正月

夏狄侵齊

齊桓召陵之後狄侵晉晉文城濮之後狄侵齊
知齊晉不能再出師也

秋衛殺其大夫元咺及公子瑕

衛侯未返而以國殺爲文何也使書衛人則衛
侯之惡隱矣咺不去宮殺之不以其罪也以國
君自賂其羣臣使殺其同列以求入志在求入

而非以討罪。則爲殺其大夫而已。瑕稱公子。則未嘗爲君。徒以咥故。濫及可知矣。瑕之死在衛侯未入之先。而稱國殺以罪衛侯。叔武之死在衛侯旣入之後。而不書。則知舊史所無。孔子不能益也。范氏甯曰。案宣九年。陳殺其大夫泄冶。傳曰。稱國以殺其大夫。殺無罪也。此傳曰。稱國以殺罪累上也。然則稱國以殺。有二義。泄冶忠賢而君殺之。是君無道也。衛侯雖不德。臣無訟君之道。衛侯不思致訟之愆。過而不收。上下

皆失故曰罪累上

衛侯鄭歸于衛

衛侯鄭始稱復歸者。霸主惡之。國人出之。有不復之勢也。再歸不稱復者。天王與晉既釋之。元頃已死。則無難之者矣。李氏廉曰。衛侯嘗歸於京師。而但書歸於衛。譏不在王室也。曹伯書歸自京師。譏不在晉也。陳氏傅良曰。向者言復歸。今歸不言復。何奔失國之辭也。執未失國之辭也。凡執不言歸。執而言歸。危不得歸也。是

故執君不名歸然後名之執書衛侯歸書衛侯
鄭執書曹伯歸書曹伯襄名之者亦失國之辭
也

晉人秦人圍鄭

傳有顯與經異者不可據以釋經自宣成以前
太夫主兵常稱人傳以爲晉侯秦伯誤也

介人侵蕭

張氏洽曰介再來魯而次年遂侵蕭與荆人秦
術之聘同

冬天王使宰周公來聘公子遂如京師遂如晉
魯之聘周禮也何以書聘禮也不朝而聘則非
禮也。猶王之聘魯禮也魯不朝而王乃聘焉則
非禮也。王之聘魯屢矣惟此應時而報蓋以晉
文之霸專以勤王屬諸侯故不敢後耳。胡氏罪
其夷周於晉誤矣。使聘周得禮則繼事於晉亦
未爲失也。

三十有一年春取濟西田

趙氏匡曰凡力得之曰取雖取本邑亦無異辭

不當取也。呂氏大圭曰：取濟西田，不繫曹，則魯故田也；取汶陽田，不繫齊，則亦魯故田也。汶濟皆近魯之境也。然汶陽濟西，則言取鄆、謹、龜陰、謹、闢，則言歸。言取者，非彼所欲也；非彼所欲，我取之，曰取，言歸其所欲也。非我強之，而彼自歸曰歸。汪氏克寬曰：春秋書內取者，十有七，以兵力取他國之地，則書戰伐。若敗宋師、取郕、取防、伐齊、取穀、伐莒、取向、伐邾、取訾、婁、取繹、取鄆、東田及沂西田是也。藉大國之威，不以兵力。

而復故地。則不書侵伐而止。書取濟西汶陽之田是也。李氏廉曰。不繫國者。吾故田也。非吾田。則繫國。襄十九年取邾田是也。取鄆東沂西田。不繫國者。承上伐邾文也。

公子遂如晉

夏四月。四卜。郊不從。乃免牲。猶三望。

魯郊非禮也。然歲事之常。不可勝書。故或以卜或以時。或以牲。或以牛。於失禮之中。又失禮。或有變。然後志焉。其時常在夏秋者。據家語。魯有

祈穀之郊而無冬至之郊也。卜郊無書於春者，自正月至於三月郊之時也。以十二月下辛卜正月上辛，如不從則以正月下辛卜二月上辛，如不從則以二月下辛卜三月上辛，如不從則不郊矣。故三卜禮也。四卜非禮也。免牲者爲之緇衣熏裳，有司立端奉送至於南郊，免牛亦然。曰牲者卜之而可用也。曰牛者尚未卜也。凡不郊皆卜免牲，吉則免之不吉則否。書免牲則不郊見矣。此年及襄七年止書免牲是也。若不郊

而不行免牲之禮則不書免牲成十年襄十一年止書不郊是也若牛死則無可免矣宣二年牛死乃不郊是也獨成七年既書免牛又書不郊者踰時而中有間事不得不再起不郊之文也望祭也郊之細也天子有方望無所不通魯雖僭而望止於三殺於天子也公羊傳曰祭泰山河海也不郊亦無望可也猶者譏其可已而不已也

秋七月

冬杞伯姬來求婦

非歸寧特以求婦來也使歸寧得禮而因以求婦則不宜著於冊書

狄圍衛

吳氏澂曰狄去年侵齊今又圍衛若無晉霸然豈以晉文居狄之久而狎之與

十有二月衛遷于帝丘

三十有二年春王正月

夏四月己丑鄭伯捷卒

衛人侵狄秋衛人及狄盟

再言衛人者侵狄之師已返至秋而盟非一事
故別言之

冬十有二月己卯晉侯重耳卒

三十有三年春王二月秦人入滑

齊侯使國歸父來聘

夏四月辛巳晉人及姜戎敗秦師于殽

書及者晉爲主而姜戎聽役也晉師白狄伐秦
秦人白狄伐晉各逞其忿故不書及也稱人大

夫主兵之辭也。二傳晉子親之貶而稱人非也。伯禽衰經卽戎以禦淮夷。君子無譏焉。周之東遷。晉鄭焉依。霸主初沒而西戎之國窺兵畿內。隱然有并東夏逼宗周之意。非晉人一戰而挫其鋒。秦得鄭而通兵於東。諸侯則腹心之禍較之戎狄荆舒而更烈矣。然則晉子雖實主兵。亦未可厚非。况經第以大夫主兵之辭書。習其讀者。何由知爲晉子乎。蓋是役實先軫主之。自陽處父救江以前。雖霸國之大夫。不以名見。故稱

人也。若謂晉子主兵而稱人以貶則凡當喪出會盟而書爵者豈反得爲褒乎？鄭悼公當喪伐許則目其人以罪之何獨於晉子而不然？左傳稱子墨衰經蓋墨以發命實不在師中而傳聞誤焉耳。

癸巳葬晉文公

狄侵齊

公伐邾取訾婁

秋公子遂帥師伐邾

春秋直解

卷之五

奎

魯每問霸國有事則釋憾取利於小國直書而罪自見矣

晉人敗狄于箕

吳氏澂曰秦晉同圍鄭秦擅及鄭盟晉文不忍伐其師狄嘗侵齊又圍衛晉文俱不救蓋出亡在狄歸國由秦皆嘗受其惠也今晉襄紹霸惟恐威稜不振霸業遂衰故汲汲焉盡力挫強旣敗秦而又敗狄也

冬十月公如齊十有二月公至自齊

張氏洽曰魯間晉而虐邾所以因齊聘而朝之以自託也。薛氏季宣曰周公下聘而卿往報邾國聘而君朝不可以言禮矣

乙巳公薨于小寢

左傳卽安也。胡傳周制王宮六寢路寢一小寢五禮記君日出而眡朝退適路寢聽政使人眡大夫大夫退然後適小寢釋服是路寢治事之所而小寢燕息之地也公羊傳以西宮爲小寢曾子以諸侯有三宮則列國之制蓋降於王

其以路寢爲正則一爾

隕霜不殺草李梅實

穀梁傳未可殺而殺舉重也可殺而不殺舉輕也家語哀公問於孔子曰春秋記隕霜不殺草何爲記之也曰此言可殺也夫宜殺而不殺則梅李冬實天失其道草木猶干犯之而況君乎

晉人陳人鄭人伐許